

Headline	Lapan keluarga 14 tahun guna lampu solar, generator		
MediaTitle	Harian Metro	Language	Malay
Date	20 Jan 2024	Readership	338,115
Circulation	112,705	Page No	10
Section	Setempat	Journalist	N/A
ArticleSize	414 cm ²		
PR Value	RM 48,741		



Lapan keluarga 14 tahun guna lampu solar, generator



SEORANG penduduk menunjukkan lampu solar yang digunakan mereka namun tidak berfungsi apabila musim hujan di Kampung Bayu Dalam, semalam. - Gambar NSTP/ PAYA LINDA YAHYA

Gua Musang: Lapan keluarga di Sungai Bayu Dalam di sini masih menggunakan lampu solar dan

generator bagi mendapatkan sumber elektrik sejak 14 tahun lalu.

Penduduk mendakwa

mereka terpaksa menghabiskan sehingga RM20 sehari apabila tiba musim tengkujuh kerana lampu

solar tidak dapat dinyalakan tanpa adanya cahaya matahari.

Penduduk, Rapiah Is-

mail, 63, berkata, dia tinggal di kampung terbabit sejak 14 tahun lalu apabila mengusahakan kebun kelapa sawit dan sayuran.

Katanya, pada awalnya mereka hanya menggunakan pelita untuk menerangi rumah pada waktu malam sebelum beralih menggunakan lampu solar dan generator sejak 10 tahun lalu.

"Sehingga kini rumah saya tidak ada televisyen dan peti sejuk kerana tidak mempunyai pelita elektrik yang dibekalkan oleh Tenaga Nasional Berhad (TNB)," katanya ketika dijumpai di Kampung Bayu Dalam di sini.

Bagi Khairudin Che Ibrahim, 41, dia berharap ada usaha dilakukan oleh pihak berwajib untuk membantu penduduk mendapatkan bekalan elektrik.

"Di kampung ini terdapat kira-kira 14 rumah dan hanya kami lapan rumah yang tidak mendapat bekalan elektrik dan rumah saya menggunakan generator yang sudah pasti memerlukan kos minyak dan penyelenggaraan."

"Saya pernah membuat

permohonan sebanyak dua kali dengan TNB namun masih tiada jawapan. Kita harap cepatlah elektrik dipasang sebab dalam cuaca mendung, solar tidak dapat dicas dan kita terpaksa bergelap atau menggunakan generator untuk menghidupkan lampu pada waktu malam.

"Kami juga bimbang dengan ancaman haiwan berbisa atau liar yang muncul di kawasan rumah apabila keadaan gelap," katanya.

Sementara itu, Ahli Parlimen Gua Musang, Mohd Azizi Abu Naim berkata, beliau akan merujuk masalah itu kepada pihak berwajib.

"Kita dapatati tiang elektrik sudah ada di kawasan ini tetapi penduduk masih tidak dapat menikmati bekalan elektrik dari TNB. Saya berpendapat mungkin terdapat beberapa kekangan yang memerlukan sedikit masa untuk diselesaikan, tetapi saya yakin kerajaan akan dapat menyegerakan isu yang membelenggu sebahagian daripada 14 keluarga ini," katanya.